



Universitätsbibliothek Paderborn

**De Tribvs Dagobertis Francorvm Regibvs Diatriba
Godefridi Henschenii E Societate Iesv**

Henschenius, Godefridus

Antverpiae, 1655

VII Sedes posteà Dagoberti vrbs Parisiorum. Gomadrudis repudiata.
Nanthildis aliaeque Reginae & concubinae adscitae. Filij S. Sigebertus &
Chlodoueus II. Regnum Austrasiorum S. Sigeberto datum.

urn:nbn:de:hbz:466:1-9599

quidam *Engiscalcus*, ab Arnulpho Imperatore, cuius is filiam
habebat uxorem, *Marchensis in Oriente factus*: quales tum
Marchiones, postea *Archiduces Austriae dominatum tenuerunt*. De *Marca* istic *ordinata à Ludouico seniore Rege Germania legendi* iidem *Annales Fuldenses ad annum 1000 LXI*.

V I I

Sedes postea DAGOBERTI urbs Parisiorum. Gomadru dis repudiata. Nanthildis aliaq; Reginæ & concubina adscitæ. Filij S. Sigebertus & Chlodouenus II. Regnum Austrasiorum S. Sigeberto datum.

Mortuo Chlothario, populi Neustriæ & Burgundiæ annos regni DAGOBERTI ab hac successione numerare cœperunt: cuius vestigium extat in testamento S. Burgundoforæ fundatricis ac primæ Abbatissæ monasterij Eboriacensis in diœcesi Meldensi, ab eâ S. Pharæ vulgo appellati. Edidit illud Labbeus in Miscellaneis curiosis cap. 3 § 5 hoc exordio: *Anno quinto, regnante Domino DAGOBERTO, Rege glorioſiſſimo sub die vii Kal. Nouemb. Progreditur ab anno VII regni Neustriæ, Christi 1000 XXXIV, Fredegarius. DAGOBERTVS, inquit cap. 58, Burgundias ingreditur. Tanto timore Pontifices & Proceres in regno Burgundiæ consistentes, seu & ceteros leudes aduentus DAGOBERTI concusserat, ut à cunctis esset mirandus. Pauperibus iustitiam habentibus gaudium vehementer inrogauerat. Cumq; Lingonas ciuitatem venisset, tantam in universis Leudibus suis, tam sublimibus quam pauperibus, iudicabat iu-*

E 3 ſtitiam,

stitiam, ut crederetur omnino Deo fuisse placibile, ubi nullum intercedebat præmium, nec personarum acceptio, nisi sola dominabatur iustitia, quam diligit Altissimus. Deinde adgressus Diuionem, imoq; & Latona rediens aliquantis diebus, tantam intentionem ad uniuersum regni sui populum iustitiam iudicandum posuerat. Huius benignitatis desiderio plenus, nec somnum capiebat oculis, nec cibo satiabatur, intentissime cogitans, ut omnes cum iustitia recepta de conspectu suo leti remearent. Hæc ibi cum illustri commendatione piæ institutionis, quā apud sanctissimos viros Arnulphum & Chunibertum Episcopos, ac Pippinū Maiorem Domus fuisse DAGOBERTVM formatum ex eodem capite Fredegarij retulimus. Sed pergit idem auctor: Eodem die, quo de Latonā ad Cabillonum deliberārat properare, priusquam luceceret, balneum ingrediens, Brudulfum auunculum fratris Chariberti interficere iussit, qui ab Amalgario & Arneberto Ducibus & Villibado Patricio imperfectus est. Erat Brudulfus, frater Sichildis secundæ vxoris Chlotharij, & Gomadruis ipsius DAGOBERTI vxoris: quem cap. 56 dixerat voluisse Charibertum nepotem in regnum stabilire; atque aduersus DAGOBERTVM cœpisse miscipulare.

Interfecto Brudulfo, DAGOBERTVS (verba sunt Fredegarij) Cabillonum iustitiae amore, quam cœperat, perficienda intentionem dirigit: post per Augustidunum, Autefoderum pergens, per ciuitatem Senonas Parisius venit, ibiq; Gomadrudem Reginam in Romiliaco villa, ubi ipsam in matrimonium acceperat, relinquēs, eo quod esset sterilis, cum consilio Francorum, Nanthildem unam ex puellis de monasterio, in matrimonium accipiens, Reginam sublimauit. Aimoinus cap. 19 Nanthildem à monasterio raptam tradit. Monachus San-Dionysianus, solum puellam speciosissimi decoris appellat, silentio præteriens Regis libidinem, quam cap. 60 ita depingit Fredegarius: Luxuria super modum dedi-

tus.

tus. Nam tres habebat maximè ad instar Reginas, & plurimas concubinas. Reginæ vero haefuerunt, Nanthildis, Vulfgundis & Berthildis. Nomina concubinarum, eò quod plures essent, increuit huic Chronicæ inseri. & hoc postquam ab anno regni Neustriæ VIII, Christi 10CXXXV in Neptrico, id est Neustriæ regno, sedem patris sui Chlotharij deligēs, assidue residere dispositi, cū omnis iustitia, quam prius dilexerat, fuisse oblitus, cupiditatis instinctu superrebus Ecclesiarum & Leodium, sagaci desiderio vellet omnibus undique spoliis nouos implere thesauros. Eadem tradit Aimoinus. Ob hanc DAGOBERTI Regis incontinentiam culpatam, S. Amandum fuisse in exilium missum, tradunt Vitæ eius scriptores. Eodem anno VIII, tempore verno, cū DAGOBERTVS regio cultu Auster circuiret, quandam pueram Ragnetrudem stratui suo adseruit, de qua eo anno habuit filium nomine Sigebertum ... Pippinus vero eo anno cum Sigeberto filio DAGOBERTI ad Charibertum Regem accessit. Charibertus Aurelianis veniens, Sigebertum de sancto lauacro suscepit. Hæc Fredegarius cap. 59, 61, & 62, & dein alia refert. eodē anno VIII, Christi 10CXXXV, peracta, quo Legati DAGOBERTI, quos ad Heraclium Imperatorem direxerat, nomine Seruatus & Paternus, ad eumdem reuertuntur, nuntiantes pacem perpetuam cum Heraclio firmasse.... Æga vero aceteris Neptrasiis consilio Dagoberti erat assiduus.

Anno IX regni Neustriæ, Christi 10CXXXVI, vt tradit Fredegarius cap. 67, Charibertus Rex moritur, relinquens filium parvulum, nomine Chilpericum, qui nec post moram defunctus est. Fertur factione DAGOBERTI fuisse interfactus. Omne regni Chariberti vna cum VVasconia DAGOBERTVS protinus sua ditioni redigit, factus totius Francici imperij monarcha.

Eodem anno inter Samonem Regem Sclauorum & DAGOBERTVM bellum est exortum, quod Sclavi, inquit Fredegarius, negotiantes Francorum cum plurimâ multitudine interficiens,

cissent, & rebus expoliassent. Missus initio ad res repetendas Sicharius, sed quod superbius ageret, de conspectu Samonis est electus. DAGOBERTVS mox triplicem aduersus Sclauos concitauit exercitum, Langobardorum, Alamannorum, Austrasiorū. Austrasij re parùm prosperè gestâ diffugerūt. At plurimum numerum captiuorum de Sclavis Alamanni & Langobardi secum duxerunt. Multis post hæc vicibus VVini in Thoringiam & reliquos vastando pagos, in Francorum regnum irruunt. Istam victoriam non tantum Sclaviuorum fortitudo obtenuit, quantum dementatio Austrasiorum, dum se cernebant cum DAGOBERTO odium incurrisse, & assiduè expoliarentur. Hæc Fredegarius, qui cap. 74 aliam Winidorum irruptionem in Thuringiam, anno sequenti, Christi 10CXXXVII, regni Neustriæ x factam refert: quando Saxones se Francorum limitem conservatuos addixerunt, modò Rex, quod pendere consueuerant tributum, non exigeret. Quingentas, inquit idem auctor, vaccas inferendales singulis annis à Chlothario seniore censit reddebant, quod à DAGOBERTO cassatum est.

Cum his non obstantibus, VVini iussu Samonis fortiter sœuirent, & sèpe transcenso eorum limite, regnum Francorum vastando, Thoringiam & reliquos pagos ingredierentur, DAGOBERTVS anno regni XI, Christi 10CXXXVIII, Metis urbem veniens, cum consilio Pontificum, seu & Procerum, omnibusq; Primatibus regni sui consentientibus, Sigebertum filium suum in Auster regnum sublimauit, sedemq; Metis ciuitatem habere permisit. Chunibertum Colonie urbis Pontificem, & Adalgiselum Ducem Palatiū ad regnum gubernandum instituit. Thesaurum, quod sufficeret, filio tradens, condignè (ut decuit) eum huius culmine sublimauit, & quodcumque eidem largitus fuerat, sigillatim præceptionibus roborandum decreuit. Deinceps Austrasij eorum studio limitem & regnum Francorum contra VVinidos utiliter defensare noscuntur. Hæc
Frede-

Fredegarius cap. 75. qui cap. 76, occasione Chlodouei nati,
regnum Austrasiorum nouâ pactione stabilitum scribit, his
verbis: *Cumq[ue] anno XII regni DAGOBERTI, eidem filius, nomine
Chlodoneus, de Nonthilde Reginâ natus fuisse, consilio Neustrasio-
rum, eorumq[ue] admonitione, per pactionis vinculum cum Sigeberto
filium suum firmare dinoscitur, & Austrasiorum omnes Primi-
tives ceteriq[ue] Leudes Sigeberti, manus eorum ponentes, insuper
sacramentis firmauerunt, ut Neptricum & Burgundia solidato or-
dine ad regnum Chlodouei post DAGOBERTI discessum aspiceret.
Auster verò, idemq[ue] ordine solidato, eoq[ue] quod & de populo & de
spatio terræ esset coequans, ad regnum Sigeberti, idemq[ue] in inte-
gritate deberet aspicere, & quidquid ad regnum Austrasiorum iam
olim pertineret, hoc Sigebertus Rex sua ditioni regendum reciperet.
& perpetuò dominandum haberet, excepto Ducatu Denteleni, qui
ab Austrasiis iniquè abstultus fuerat, iterum ad Neustrasios subiun-
geretur, & Chlodouci regimini subiiceretur. Sed hæc pactiones
Austrasij terrore DAGOBERTI coacti, vellent nolleant, firmare visi
sunt, quod postea temporibus Sigeberti & Chlodouei Regibus con-
seruatum fuisse constat. Hæc Fredegarius: ex quibus auer-
sus ab Neustrasiis animus Austrasiorum perspicitur, quod
infrà in successoribus manifestius perspicietur.*